

frundenberg/im December/kam auß dem Hag vn.
uermerckt mit 1600. Mannen biß auff die Mawren
mit Leytern/wurd aber/als irer bey sechzig schon auff
der Mawren waren/wider abgeschlagen/mit verlust
zweyer Capitane auß den seinigen. Alpen ward auch
darnach von denen von Newmegen eingenommen.

Er Moritz
Anschlag
auff Gertru
den berg.

Die Herren Staden haben vber diese Victorien
der Statt Zütphen / Deuenter / Hüft / Newmegen
vnd anderer Schancken / Ehrenpfeilig gemünket/
in Golt/Silber/vnd Kupffer : vnd Gott allein
Lob/Ehr/vnd Preiß gesagt.

Belägerung vnd Einne- mung der Statt Steinwick ge- schehen im Jahr 1592.

Nach dem Graff Moritz von Nassaw / re.
die Statt Newmegen vnd andere/wie oben
vermeldt/erobert/vnd vnder der H. H. Sta-
den gewalt gebracht/vnd den Winter mit seinem
Kriegsvolek/etwß außgeruher: hat er sich im Früh-
ling wider bey zeit auffgemacht: vnd sich zu Feldt be-
geben. Ist also den 10. Maij auß dem Hage gezogen
neben dem Graff von Hohenloe/Graff Wilhelm vñ
Nassaw/dem Graffen von Solms/re. Vnd hatt
diese H. zu Kriegs rät bey im Herren vñ Barchon/
als Marschalck Provisional / Graff Philips von
Nassaw/als General Obersten vber die Reutteren
den H. von Samars / als general Obersten vbers
Geschütz / Capitein Cressoniere / als Obersten
Wachmeister / vnd andere Obersten vnd
Colonellen / Herren Francisus Beer / Bre-
derode / Murnay / Dorpe / Gronefeldt / vnd
andere

Er Moritz
gerit-
schafft zum
Feldleger.